

899.969

₹ 15

ಸರ್ವಜನಿಕ



ನಿರ್ದೇಶಕರು

კან 89

899.369
3 15


ილია ჭავჭავაძე



საქტულა

150000000001

რეზერვ



„ლიტერატურული გაზეთის“ გამოცემა
თბილისი — 1962

1963
26

ამოკრებილია
ბორის კანდელაკის მიერ

წინასიტყვაობა

გრძელი სიტყვა მოკლედ
ითქმის, შაირია ამაღ კარგი.
შოთა რუსთაველი.

სხარტულა და აფორიზმი — მოსწრებული თქმაა, რომელშიაც გადმოცემულია ხალხის სიბრძნე, სხარტად ნათქვამი, საუკუნოების დაკვირვების შედეგი.

აფორიზმები, როგორც ჩუქურთმები, ისე ამშვენებენ ადამიანის ნააზრევს და ამდიდრებენ კიდევაც მას. ხალხს უყვარს სიბრძნის შემცველი მოსწრებული, მახვილი გამოთქმები, რომელსაც ხშირად იყენებს, როგორც ზეპირი მეტყველების ისე წერიტი მუშაობის დროს.

126 1963

ამოკრებილია
ბოროის კანდელაკის მიერ

წინასიტყვაობა

გრძელი სიტყვა მოკლედ
ითქმის, შაირია ამაღ კარგი.
შოთა რუსთაველი.

სხარტულა და აფორიზმი — მოსწრებული თქმაა, რომელშიაც გადმოცემულია ხალხის სიბრძნე, სხარტად ნათქვამი, საუკუნოების დაკვირვების შედეგი.

აფორიზმები, როგორც ჩუქურთმები, ისე ამშვენებენ ადამიანის ნააზრევს და ამდიდრებენ კიდევაც მას. ხალხს უფვარს სიბრძნის შემცველი მოსწრებული, მახვილი გამოთქმები, რომელსაც ხშირად იყენებს, როგორც ზეპირი მეტყველებების ისე წერიითი მუშაობის დროს.

აფორიზმებს იყენებენ მწერლები თავიანთ ნაწარმოებებში; დიდი მწერლები თავადაც ქმნიან სიბრძნის შემცველ აფორიზმებს, რომლებიც ფართოდ ვრცელდება ხალხში.

ილია ჭავჭავაძე, ისე როგორც ყველა დიდი მწერალი, თავისი შემოქმედების წყაროს ხალხურ სიბრძნეში, ანდა-ზებსა და მოსწრებულ გამოთქმებში ეძებდა, ხშირად იყენებდა რა მათ თავის ნაწარმოებებში; ამავე დროს, თავადაც ქმნიდა გონიერ აფორიზმებს და სხარტულებს.

ილიას ნაწერებში უხვად არის გაბნეული მახვილი გამოთქმები და აფორიზმები, როგორც მსოფლიო კლასიკების ნაწერებიდან, ისე თვითონ ილიას მიერ შექმნილი.

ილია ჭავჭავაძე დაკვირვებით ჰკრეფდა ძველი ძეგლებიდან ბრძნულ გამოთქვამებს, მახვილგონივრულ აფორიზმებსა და სენტენციებს. ილია ჭავჭავაძე,

იყენებდა ამ გამონათქვამებს და ხელს უწყობდა მათს პოპულარიზაციას. მეორე მხრით, საკმაო მოწოდებები აღვიდა უთმობდა მათ თავის მხატვრულ-პუბლიცისტურსა და სამეცნიერო-პოლემიკურ თხზულებებში. ამ ბრძნული გამონათქვამების მარჯვე და ოსტატური გამოყენებით იგი ტექსტს ჰმატებდა შინაარსობრივ-აზრობრივ ძლიერებას. აზრს კიდევ უფრო ბასრს, მახვილსა და მკაფიოს ხდიდა, ამჟღავნებდა პოლემიკურ ტონს, ამდიდრებდა მხატვრულ მხარეს და საკმაოდ ეფექტურ შედეგს აღწევდა. ხშირ შემთხვევაში ილია უცვლელად იყენებდა ძველმწერალთა გამონათქვამებს, ზოგჯერ კი თავისუფლად ეკიდებოდა და ცვლიდა, მაგრამ მათ შინაარსობრივ-აზრობრივ მხარეს არ არღვევდა.

ზოგჯერ ილია ბრძნულ გამონათქვამს სახეს უცვლიდა ახალ იერს აძლევდა ისე, რომ ძველ სულსა და სურნელებას არ

უკარგავდა; ავრცობდა ან ამოკლებდა, მაგრამ ავტორის სახელს სათანადო აღგილას გამოაჩენდა, ზოგჯერ ილიას ნაწერებში ასეთ გამონათქვამებს ავტორთა დაუსახელებლადაც ვხვდებით. აი, მაგალითად, ილიას მე-ნ ტომში ვკითხულობთ: „თუ უამს ხელთ აქვს ისარიო, შენცა ხელთ გქონდეს ფარიო“ (გვ. 884).

ეს არის სახეშეცვლილი სიტყვები „ქილილა და დამანას“ კანონიკური რედაქციისა: „თუ შენა გაქვს — ყე ისარი. მეცა მიპყრია ფარია!“ (ქილილა და დამანა, 1886 წ., გვ. 521; 1949 წ., გვ. 550). სხვა შემთხვევაში ილია პირდაპირ ასახელებდა ამ სიტყვების წყაროს (საანდაზო ლექსები, გვ. 76).

ილიას სიტყვები: არ არის მკვდარი, ვინც მოკვდეს, და ხალხს შესწიროს ღღენია მკვდრად იგი თქმულა, ვისაც აქ სახელი არ დარჩენია (ტ. 1, გვ. 195).

უნებურად გვაგონებს „ქილილა და დამანას“ სიტყვებს: კაცი სახელის მძებნე-

ლი, უკვდავად შემირაცხია, მკვდრად იგი თქმულა, ვის კაი სახელი ზედ არ აცხია“ („ქილილა და დამანა“, 1886 წ., გვ. 81);

ჯერ კიდევ 1935 წელს შენიშნა პოეტმა ი. გრიშაშვილმა, რომ ილიას სიცოცხლეში გამოცემულ ტექსტში (თხზ., 1, 1892 წ., გვ. 210) სიტყვები ბრჭყალებში იყო ჩასმული. აგრეთვე ცალკე წიგნად გამოცემული პოემის ტექსტშიც (ი. ჭავჭავაძე, „მეფე დიმიტრი თავდადებული“, 1908 წ., გვ. 29).

წინამდებარე წიგნაკში მოთავსებული სხარტულები და აფორიზმები ამოკრებილია ილიას ათტომეულიდან, ყველა აფორიზმის ბოლოს აღნიშნულია ტომი და გვერდი, საიდანაც იგი იქნა ამოწერილი.

ვფიქრობთ ამ პატარა კრებულსაც შეუძლია გარკვეული სამსახურის გაწევა ილია ჭავჭავაძის შემოქმედების ფართო პოპულარიზაციის საქმეში.

ბორის კანდელაკი.

აბა რას გვარგებს ჩვენ ის გუ-
თანი, რომე აჩეჩოს მარტო მიწა-
ნი და არ მოსთხრიდეს ძირით იმ
ბალახს, რომელიც უშლის .თესლ-
სა ამოსვლას? ტ. I, გვ. 14

ავი კაცი რამოდენადაც მეცნიე-
რია და დიდად სწავლული, იმო-
დენად უფრო ძლიერ საშიშარია,
უფრო დიდად მავნებელია.

ტ. IV, გვ. 293

ათი-ათასჯერ არაფერი მაინც
არაფერია; ტ. III, გვ. 14

ამიტომ ვამბობ, რომ ცოდნა
თითონ, თავის-თავადაც სიმდიდ-
რეზეა მეტქი, მერე იმისთანა სიმ-
დიდრეა, რომ რაც უნდა ბევრს
დაუბრევ, ბევრს გაუწილადო,
შენ არა დაგაკლდება-რა, თუ არ
მოვემატება. ტ. V, გვ. 290

არა გვგონია, იმ ცრემლზედ
უტკბესი რამ იყოს ქვეყანაზედ,
როცა იგი ჰყონავს ბედნიერებისა
და სიხარულის ნამეტანობისაგან,
და იმ სიცილზედ უმწარესი რამ,
როცა კაცი ტირილით ჰხარხარებს
უბედურებისა და მწუხარების
სავსებისაგან. აი ეს ცრემლიანი
სიცილი და სიცილიანი ტირილი
არის იგი უზენაესი სიტკბოება,
რომლის ფრთებითაც ჭეშმარიტი
და უდიდესი ხელოვნება ადამია-

ნისა თავის უმწვერვალეს სიმაღ-
ლეზედ აზიდავს ხოლმე კაცსა...

ტ. III, გვ. 118

არ არის მკვდარი, ვინც მოჰკე-
დეს და ხალხს შესწიროს დღენია.
მკვდრად ის თქმულა, ვისაც აჭ
სახელი არ დარჩენია. ტ. I, გვ. 195

არც უწიგნობა ვარგა და არც
მარტო წიგნებიდამ გამოხედვა.

ტ. II, გვ. 291

არცა უსჯულო იკადრებს უმუხ-
თლოს მისსა ძმობილსა.

(მუზეუმი, ი. ჭ. ფ. S 5934)

აღდგენა ისტორიისა, ერის გა-
მოცოცხლებაა, გამომხნევებაა, აწ-
მყოს გავება და წარმართვაა,

მერმისის გამოკვლევაა სიძნელი-
საგან. ტ. IV, გვ. 20.

ბ

ბოდიში ძნელად თუ მოარჩენს
პოგრეხილს კისერსა, — და არც
მოტეხილი ფეხისათვის არის უე-
ბარი წამალი. ტ. II, გვ. 126

ბრძენი არც იშვებს ფრიადა.
არც დია შეწუხდებისა. ტ. IV, გვ. 222

ბუისაგან ნუ გამოელთ ბოლო-
კარკაზის ბუდესა. ტ. I, გვ. 116

ბ

გებრალებოდეს, ნუ პრისხავ
კაცს შენზედ შურით მწდომსაო.
კეთილი ფარად უფარე შენთვის

ბოროტის მდომსაო, მადლისა
წყაროს ასმევდე ცოდვის გუბეში
მდგომსაო. ტ. I, გვ. 107

დ

დამალული ჭირი ძნელია, პირ-
დაპირ მოსულს კიდევ როგორც
იქნება შეეჭიდება კაცი...

ტ. II, გვ. 275

დედაც კაციაო გვეუბნება ჩვენი
ენა, და მამაცაო. ტ. III, გვ. 427

დედის გული ზღვა არის სიყვა-
რულისა, რომ უთხრა, შვილი რომ
უკვდებოდეს, ორის დღის სიცო-
ცხლე კიდევ მიემატება შენს
შვილსაო, ოღონდ სული საუკუ-
ნო ჯოჯოხეთს მიეციო, — დედა

მაგას იქს, შვილმა კი დედისა-
თვის რომ ეგა ქნას, დედა იწყენს.

ტ. II, გვ. 72

დედა. — შვილური სიყვარული
მძლეთა-მძლეა. ტ. II, გვ. 278

დიდი. და პატარა სულ ერთია,
ოღონდ კაცმა იმას მიჰმართოს,
იმას ჩაჰკიდოს ხელი, რაზედაც
გული მიუწევს და ნიჭი და უნა-
რი მიუწვდება. ტ. IV, გვ. 246

დიდი საქმეა მართო უტყუარი
ნიშანი თითონ მოსაქმის დიდ ბუ-
ნებოვანობისა. ტ. IV, გვ. 241

დროს ჰსჭვრიტე, ჟამთა რა მო-
აქვს? რას ისხამს, რა მოისთვლე-
ბის! ტ. V, გვ. 334

დიდი სიბრძნეა კაცისა ცნობა
თავისის-თავისა. ტ. III, გვ. 389

დროზე ნახმარი ფარიცა იგივე
ხმალი არიო. ტ. I, გვ. 106

დღეს ცარიელი მკლავი იმოდენ-
ნად ველარა სჭრის, რაც სავსე
ჯიბე; • ტ. I, გვ. 310

ე

ენას ბრწყალი არ მოედება.
ტ. IV, გვ. 52

ენამ. გულისა უნდა თქვას; ფერ-
უმარილი რა საჭიროა.
ტ. II, გვ. 283

ერთი მაქვს — სჯობს ათასს
გქონდა-ს.

ტ. IV, გვ. 89

ერი, ერთის ღვაწლის დამდეგი,
ერთს ისტორიულ უღელში ბმუ-
ლი, ერთად მებრძოლი ერთსა და
იმავე ჭირსა და ლხინში გამო-
ტარებული — ერთსულოვნებით,
ერთგულებით ძლიერია. ტ. IV, გვ. 9

ესეც კი ითქმის: კაცსა რა აუხ-
დეს ნატვრა გულისა, ხსოვნა არა
ჰხამს ჭირისა, ვით დღისა გარდა-
სულისა. ტ. I, გვ. 122

ეს წუთისოფელი ცოდო და
მადლის ჭიდილია, სხვა არაფერი.
ტ. II, გვ. 277-278

3

ვაუკაცს ცრემლსა რად უძრახ-
ვენ! რკინაც სტყდება, რომ სცემს

გრემლი... კაცთ და პირუტყვთ
გასარჩევად ღმერთმა შეჰქმნა
მარტო ცრემლი. ტ. I, გვ. 107

ვაჟკაცად იმას არ ვაქებ, ვინცა
სისხლისა მღვრელია, ვაჟკაცად
იგი მიქია, ვინაც უბედურთ მხსნე-
ლია. ტ. I, გვ. 107

ვერ დაინახვს უტვინო თავისას,
ვერცა სხვისასო. ტ. III, გვ. 382

ვინც შინიდან გარეთ ფეხს გა-
მოჰყოფს, იმაზედ ცუდსაც ბევრს
იტყვიან და გარესაც.

ვინც თვითონ მიიტევს სა-
ხელს, იგი ბევრნი მიიწიას იმა-
ზე, ვისაც სახელი მამა-პაპათ
რჩენია და რჩება. ტ. IV, გვ. 107

2. სხარტულა

ვინც ორი მარცვალი მოიყვანა
იქ, საცა მანამდე მარტო ერთი
მარცვალი მოდიოდა, იგი ერთს
უდიდეს სამსახურს უწევს კაცობ-
რიობას. ტ. IV. გვ. 245

ვინც კაცად არ ვარგა, ის არც
მამად ივარგებს, არც დედად და
არც სხვად რადმე; იმიტომ, რომ
მამობა და დედობა ადამიანური,
მარტო შვილების გამრავლება და
ძუძუს წოვება არ არის.

ტ. IV. გვ. 367

ვინც ლაფში თავიდან ფეხამდე
ამოსვრილია, არ შეიძლება ისე
შეეხოს სხვას, რომ თავისი ლაფი
იმასაც არ მოაცხოს. ტ. III, გვ. 66

ზ

ზოგი ცოდოს იკიდებს ზურგ-
ზედ და ტყვიასავით მძიმეა, ზოგი
მადლს და ბუმბულივით მსუბუ-
ქია. ტ. II, გვ. 278

ზომას გადამეტებული პურის
ჰამაც კი მაწყინარია. ტ. VII, გვ. 101

ზოგი საგანია, რომ თუ არ დაი-
წახე, ვერ ირწმუნებ, და ზოგი-კი
იმისთანა, თუ არ ირწმუნე, ვერ
დაინახავ. ტ. IV, გვ. 252

ზოგჯერ მოკლე სიტყვაც გრძე-
ლია. ტ. II, გვ. 297

თ

თავისუფლების შოვნაი სჯობს
საშოვნელსა ყველასა. ტ. I, გვ. 154.

თითო-ორი კაცი მრავალთა
შორის ზღვაში დაცემული წვეთია.
ტ. VII, გვ. 272.

თუ სათავე მღვრივეა, ბოლო-
ში ამაო იქნება წმინდა წყლის
ძებნა. ტ. III, გვ. 14

თუ სამართლიანი ხარ და კაცთ-
მოყვარე, მაშინ ყველაფერი ხარ,
სავსე კაცი ხარ... ტ. IV, გვ. 299

თუ ერს ქონება შეძენილი არა
აქვს და მის გაძლიერების გზაზე
არა სდგას, იგი ღონემიხდილი
ლომია, უხორთუმო სპილოა იმ
მწევას და დაუნდობელ ომში, რო-
მელსაც არსებობისათვის ბრძო-
ლას ეძახიან. ტ. VII, გვ. 40

თუ ჟამს ხელთ აქვს ისარიო,
შენცა ხელთ გქონდეს ფარიო.

ტ. V, გვ. 334

თუ წუთისოფელს ერთს ბეწო
ხანს თვალი მოუხუჭე, ისე გაგთე-
ლავს, როგორც დიდოელი ლეკი
ნაბადსა.

ტ. II, გვ. 253

თუ სახელის შოვნა გინდა, დღეს
ისეთი ნერგი დარგე, რომ ხვა-
ლმა მადლობით სთქვას: ნანერ-
გითა შენით მარგე.

ტ. I, გვ. 106

თუ თვით არ ვიდწვით, კერ
ვპოვებთ კეთილსა შესაყრებელსა.

ტ. VIII, გვ. 201

თუ გაჭირვებაა, კაკლის ნაჭუჭ-
ში უნდა დაეტიოს კაცი, არამც-
თუ სამ ოთახში. მუზ. ი. ჯ. ფონდი

თქმული კაცმა თქმულად მი-
იღოს და არ იფიქროს, რომ
თქმულს აქეთაც გადაეხვევა და
იქითაც. მუზ. ი. ჭ. ფონდი

0

ის იცინის კარგად, ვინც ბო-
ლოს გაიციინებსო. ტ. VII, გვ. 38

ისევ გონებაგანუვითარებელი
და ზნე-ხასიათით გაწვრთნილი
კაცი სჯობია, ვიდრე გონება-
განვითარებული და ზნე-ხასიათ
გაუწვრთნელი. ტ. IV, გვ. 293

3

კაცად მაშინ ხარ საქები, თუ ეს
წესი წესად დარგე ყოველ დღესა
შენს თავს ჰკითხო, — აბა დღეს
მე ვის რა ვარგე? ტ. I. გვ. 107

კაცმა რომ მოინდომოს, კლდეს
გაარღვევსო. ტ. II, გვ. 56

კაცი სხვის მარგეც უნდა იყოს
და თავისთავისაც. ტ. V, გვ. 289

კაცი მარტო მაშინ არის ხერხი,
როცა ცოდნა აქვს, როცა ჭკუა
ცოდნით გაუღესია, ცოდნის ჩარხ-
ზე გაუჩარხავს. მაშინ ხერხსავით
სხვისთვისაც გააქვს და თავისთვი-
საც შემოაქვს. ტ. V, გვ. 289

კარგია გაღვიძებული ადამია-
ნი!.. მაგრამ უფრო უკეთესია ადა-
მიანი, რომელსაც ძილშიაც არა
სძინავს, ქვეყნის უბედურებით
გულ-აღტკინებულსა. ტ. II, გვ. 23

კმაყოფილება კაცის მომაკვდი-
ნებელი სენია. ტ. II, გვ. 192

ლ

ლიტერატურა თავისის ფართო
მნიშვნელობით, გონების ნაჭირ-
ნახულები ხვავია, საცა წმინდა
ხორბალიც არის და ბალახ-ბულა-
ხის თესლიცა. ტ. III, გვ. 152

ლუკმა მაშინ არის ტკბილი,
როცა კაი კაცობით არის ნა-
შოვნო. ტ. II, გვ. 54

მ

მადლი ერთისაგან გაწირვაა და
შეორისაგან შეწირვა ერთსა და
იმავე დროს. თუ ან გამწირველი

არ არის, ან შემწირველი, მად-
ლიც არ არის, მაშასადამე გუ-
ლიცა. ტ. II. გვ. 313 — 314

მარტო იგი შრომაა, იგი გარჯაა
ნაყოფიერი, რომლის საძირკვე-
ლიც ანუ სათავე საკუთარი თა-
ოსნობაა, და ძალ-ღონე კიდევ
საკუთარი მარჯვენა. ტ. VII, გვ. 344

მაშ მამულს თავი შეეწიროთ
საშველად, გამოსახსნელად, თუ
მისთვის დავიხოცებით, ჩვენ ის
გვეყოფა სახელად. ტ. I, გვ. 154

მას დედის ძუძუ ტკბილი უხა-
მდაც შერგებია, მამულისათვის
სიკვდილი ვისაც დაზარებია!..

ტ. I, გვ. 45

მარტო შენი მტერი დაგიმა-
ლავს, შენს სახეზედ რომ ური-
გობა ჰნახოს რამე, მოყვარე კი
მაშინვე სარკეს მოგიტანს, რომ
გაისწორო და ხალხში არ შე-
რცხვე. ტ. II, გვ. 223

მარტო პირუტყვი იყურება
დაბლა. ტ. II, გვ. 55

მზე რას უზამს იმოდენას და-
მზრალს ყვავილსა, რაც თბილი
სიტყვა დაჩაგრულ გულსა!
ტ. II, გვ. 68

მეზობლის უბედურებაზე ჩვენი
ბედნიერება ვერ დაფუძნდება,
ვერ აშენდება. ტ. VII, გვ. 271

მთელი კაცობრიობის უწინდე-
ლი ცხოვრება სულ უსარგებლო
26

იქნება, თუ იმათ ცხოვრებიდამ
ჩვენ სასარგებლოს არას გამოვი-
ტანთ. ტ. III, გვ. 12

მინამ ენა იტყვის, ჰკუა ურჩევს,
გულმა იცის რა ქმნას. ტ. II, გვ. 295

მართლმსაჯულებას გახურებუ-
ლი რკინის თვისება აქვს. იგი
სწვავს, როცა სუსტ მხარეს შე-
ეხება ხოლმე. ტ. VII, გვ. 388

მოკვდა და თავის ანდერძით
აწ ისევ ჰსაქმობს მკვდარიო.
ტ. IV, გვ. 270

6

ნეტავი იმასაო — ამბობს ერთი
ძველად-ძველი ბრძენი, ვინც
არამც თუ ჩვენთან ყოფნით

გვწუროთვნის ჩვენ, არამედ მარტო
თავისის სახელის ხსენებითაცო.

ტ. IV, გვ. 251

ნუ მოგაქვს თავი იმით, რომ
ძალა აღმართის მხენელია.

ტ. I, გვ. 200

3

პატიოსანთ მტერთა შორის მო-
ციქული ნამუსია. ტ. I, გვ. 106

პატარა ნიჩაბითაც ბევრი რამ
გაკეთდება და ძალიან შესაძლოა
ცოტცოტაობისაგან დიდი საქმე
გამოვიდეს. ტ. VII, გვ. 42

პირში ქებას ჭკუაღამჯდარ კა-
ცის თვალში დამპალი კიტრის
ფასი აქვს. ტ. VIII, გვ. 290

პირში მაქებარს თავის-თავის
პატივისმცემელი კაცი აი რას
ტყვის ხოლმე: — ეგ ქება შენ-
თვის შეინახე, სხვაგან გამოგად-
ება. ტ. VIII, გვ. 290

პაწია ყრმავ, ეხლა როცა პირ-
ველად მოსდიხარ ქვეყანასში, შენ
სტირი და შენს გარშემო — კი
ყველას სიხარულის ღიმილი მოს-
დის, იყავ ისე, რომ, როცა ქვე-
ყანას ეთხოვბოდე ყველანი სტი-
როდნენ და მარტო შენ კი
ღიმილი მოგსვლოდეს.

ტ. IV, გვ. 250

პოეზია მადლია, ნიჭია, რომე-
ლიც ეძლევა მხოლოდ კაცთა,
ღვთივ რჩეულთა. მადლია, მაგ-
რამ ამასთანავე ტვირთიც არის,—

რადგანაც იგი მოვლენილია, რომ
ჭრილობიდან სისხლის შეუწყვე-
ტელი დენა კაცთა სიცოცხლეს
შეუყენოს. ტ. III, გვ. 250

რ

რასაც არაფერი ეშველება-რა,
კაცი არ უნდა აეთრევინოს.
მუზ. ი. ჭ. ფონდი

რასაც თვითელი ცალკე ვერ
შეეძლებთ, ამას საზოგადოებრი-
ვად, ერთად ადვილად შეეძლებ-
თო. ტ. IV, გვ. 322

რასაც თვითონ არ ვიმოქმე-
დებთო, სხვისაგან ბევრს ნურას
ველოდებითო. ტ. IV, გვ. 322

რაც კარგია — თავისთავად დი-
დია. ტ. II, გვ. 294

რა ქმნას კარგმა მონარდემა,
დროზედ შაში თუ არ მოვა.
ტ. VII, გვ. 273

რა გინდ დიდი გაჭირვებაში ჩა-
ვარდეს კაცი, ერთადერთი გზა
ხსნისა კაცის საკუთარი მხნეობა
და გამრჯელობაა. ტ. VIII, გვ. 301

რა გინდ რომ ქერქი შეიძროს,
გველი აგრეთვე გველია.
ტ. II, გვ. 264

რად მინდა ხმალი, თუნდ იყოს
მჭრელი, თუ სიმართლისთვის და-
მიჩლუნგდება? ტ. I, გვ. 14

რაც ცხავია ხვავისათვის, ისიც
კრიტიკა ლიტერატურისათვის.

ტ. III. გვ. 152

რაც გინდა პატარა იყოს სამ-
შობლო ქვეყანა, — პატიოსანს
გულში დიდი ადგილი უჭირავს.

ტ. IV, გვ. 249

რომ ბედში მყოფი შენ ძმად
მიგაჩნდეს — ეგ ვერაფერი სიყვა-
რულია, საქმე ის არის, კაცს ის
უყვარდეს, — ვინც ბედისაგან
დაჩაგრულია!

ტ. I, გვ. 164

რაც უნდა გაუნათლებელი ხალ-
ხი იყოს, ოღონდ აჩვენეთ, რომ
იმის სატკივარს საიღამ ეშველე-
ბა, და გვერწმუნეთ, რომ დიდი
და პატარა კარზე მოგაწყდებათ.

ტ. VII, გვ. 262

სანთელს კიდევ იმაში ჰგავს ცოდნა, რომ თუნდაც ცოტად ბუუტავდეს შორს სადმე ბნელაში, ქურდს, მპარავს, მტერს აფრთხობს, იქ სინათლეა,—სჩანს ჰღვიძავთო, და დაგვიანებულს მოყვარეს კი ახარებს კიდევ იმით, რომ იქ ღვიძილია, მღვიძარები დამხვდებიანო. ტ. V, გვ. 290.

სანთელს ცოდნა მარტო იმაში არა ჰგავს, რომ სანთელი, როცა იქნება, ჩაიწვის და გაჰქრება ხოლმე; ერთხელ ანთებული ცოდნა კი თავის — დღეში არა. მამი-დამ შვილზედ გადადის, შვილი-დამ შვილის-შვილზედ, უფრო

გადიდებული, უფრო გაძლიერებული.
ტ. V, გვ. 290

საცა თვითმოქმედება გაღვიძებული არ არის, იქ კერძო კაციც ცალკე და საზოგადოებაც საერთოდ ფერმკრთალია, უღონო და ცოცხალ-მკვდარია. ტ. VII, გვ. 344

საცა სარფაა, იქ მხნეობაც და მეცადინეობაც არის; ტ. VII, გვ. 245

საცა შენი ხელი მისწვდა კლდეც იქ აჰყვავდაო! ტ. IV, გვ. 240

სადაც სახელია, იქ უთუოდ საგანიც უნდა იყოს. ტ. III, გვ. 34

სიკეთით სძლიე შენს მტერსა, ერიდე სისხლით ზღვევასა: სულგრძელობითა ძლევა სჯობს ვაჟკაცობითა ძლევასა. ტ. I, გვ. 107

...სიხარული, ბედნიერება, იგივე
სიცოცხლეა, მხოლოდ ხანმოკლე
და შეუტრეწელი. ტ. II, გვ. 309

სიტყვა თქმაა და არა ქმნა.
თქმისა და ქმნის შუა დიდი ზღვა-
რია. ტ. V, გვ. 133

სიყვარული ბრძანებით არ მო-
დის. ტ. II, გვ. 318

სწავლა, ცოდნა, მეცნიერება—
ღონეა იმისთნა, რომელსაც დღეს
წინ ვერაფერი ვერ უდგება: ვერც
მუშტი, ვერც ხმალი, ვერც ჯარ-
თა სიმრავლე. ტ. V, გვ. 20

სხვა შენთვის და შენ სხვის-
თვის, აი გზა ცხოვრებისა.

ტ. II. გვ. 75

სხვის გულში — მართალი ად-
ვილი საპოვნელი არ არის.

ტ. II, გვ. 312

სჯობს სიგლახაკე სიმართლით,
ცრუს დიდსა გამდიდრებასა.

ტ. IV, გვ. 222

ტ

ტანთ მოიკელ, ფეხთ მოიკელ,
მშიერ-მწყურვალ იარე და ნუ
ჩასდგები კი ჯერ შვილისა და
მერე ქვეყნის ცოდვაში, — აი რა
უნდა ეწეროს გულის ფიცარზედ
იმ წმინდა საქმეს, რომელსაც მა-
მაშვილობას ეძახიან. ტ. IV, გვ. 365

ტყუილად კი არ ეძახიან მიწას,
„დედაო“, ის გვაწოვებს ჩვენ

ქუძუსა, იმას დავხარით დღე-ღამე,
ჩვენი ჭირიც და ლხინიც ის არის.
ტ. II, გვ. 50

უ

უნებურს გემოს სჯობია წებითა
უგემობანი. ტ. IV, გვ. 222

უსხვისოდ ერთის გული მარტო
ჰარკია, სისხლის აღებმიმცემი აგე-
ბულეებისათვის. ტ. II, გვ. 314

უწიგნოდ თვალთახედვის ისარი
მოკლეა და მარტო წიგნითაც
საკმაოდ გრძელი არ არის.
ტ. II, გვ. 291

უფროს-უმცროსობაში სიყვა-
რული სიზმარია. ტ. II, გვ. 40

უფულო ერი ერთა შორის და
უფულო კაცი ადამიანთა შორის
ყმა ფულიანისა. ტ. VII, გვ. 40

უჭკუო კაცის სიკეთე, ვაი რა
ცარიელია. ტ. III, გვ. 391

ფ

ფული რამდენადაც ბევრია,
იმოდენადაც ხარბია და გაუმა-
ძლარი. ტ. VII, გვ. 271

ფეხს ვერ გასძრავთ, თუ საკუ-
თარის ტვირის ძაფები არ ამო-
ქმედეთ, თუ საკუთარი გრძნობა
და ჰკუა არ წაიმძღვარეთ, თუ
საკუთარი მსჯელობა არ იქო-
ნით!.. ტ. III, გვ. 154

ფიქრი, რაკი ერთხელ ასე თუ
ისე გამოიკვანძა, თოვლის გუნ-
დასა ჰგავს, მთის წვერიდან და-
38

ქანებულს: რაც დიდ მანძილზე
მიჰგორავს, უფრო ძლიერდება,
უფრო ჰმატულობს, უფრო ჰდიდ-
დება. თუ კაცმა არ დააყენა, ზვა-
ვად იქცევა და სხვას ყველაფერს
თან გაიტანს. ტ. II, გვ. 276

ჟ

ქართველს კაცს არც ქარის შე-
მოტანილი უნდა და არც გატა-
ნილი; ტ. II, გვ. 128

ქვეყანაზე რომ ჭირი არ იყოს,
ადამიანი ენასაც არ ამოიდგამდა.
ტ. II, გვ. 283

ქვეყანა იმით კი არ არის უბე-
დური, რომ ღარიბია, არამედ
იმით, რომ მცოდნე გონებაგა-
ხსნილი, გულგანათლებული კაცე-
ბი არა ჰყავს. მუზ. ი. ჭ. ფონდი

ქვეყანა იმისია, ვისაც ერთს
ხელში ხმალი უჭირავს და მეორე-
ში გუთანი. მარტო ხმალი, მარ-
თალია, თავისითაც ძლიერია, მაგ-
რამ ვერსად ხანგრძლივ ფეხს ვერ
მოიკიდებს, თუ ამხანაგად გუთანი
არ იყოლია. ტ. V, გვ. 122

ქვეყანაზე ბევრი რამ არის
უწიგნოდაც ნასწავლი, ამაებსაც
ცოდნა უნდა. ტ. II, გვ. 291

ქართველებისათვის „დედა“ მა-
რტო მშობელი არ არის. ქართვე-
ლი ღვიძლს ენასაც „დედა-ენას“
ეძახის, უფროს ქალაქს — „დედა-
ქალაქს“. მკვიდრს და დიდბოდს
სახლისას — „დედა-ბოდს“. უდი-
დეს და უმაგრეს ბურჯს — „დე-
და-ბურჯს“, სამთავრო აზრს —

„დედააზრს“, გუთნის გამგებელ
მამაკაცსაც — კი — „გუთნისდე-
დას“, რამოდენად განდიდებულია
მნიშვნელობა დედისა, რამოდე-
ნად გამრავალგვარებული, გაპატი-
ოსნებული, გაძლიერებული, გა-
ღონიერებული, და თავმოსაწონე-
ბელი!.. სიდიდე, სიმაგრე და სიმ-
კვიდრეც — კი აღნიშნულია დე-
დობით, ამაზე მეტი პატივი რაღა
უნდა მოუტანოს სახელმა! სიტყვა
„ქალი“ განა იმოდენას გვეტყვის,
რასაც გვეუბნება „დედა“ და მას-
თან ერთად „კაცი“?!

ტ. III, გვ. 429

ღ

ღონიერი და ჭირთა მძლევი ის
არის, ვისაც ჭკუა ცოდნით მო-

ურთავს, ცოდნით აუყვავებია.
ცოდნის ძუძუთი გაუზრდია.

ტ. V, გვ. 289

ღობე-ყორეს მოდება ღალატია
საქმისა.

ტ. VII, გვ. 353

ღმერთმა ნუ ჰქნას დრო მოვი-
დეს, ხილად ვხადდეთ პანტის
ჩირსა.

ტ. I, გვ. 123

ღონე ქვეყნისა მარტო ნიჭიერი
და მხნე კაცია.

ტ. IV, გვ. 248

ჟ

ყველა კაცმა, რომ იგი სიკეთე
ჰქმნას, რის შემძლებიც არის,
ქვეყნიერებაზე უბედურნი აღარ
იქნებიან.

ტ. IV. გვ. 248

ყველა გონიერი კაცი, თუნდა
უწიგნოც, ზოგჯერ მწიგნობრის-
თვისაც კი ოსტატია. ტ. II, გვ. 291

ყველაფრის სიკვდილი შეიძლე-
ბა, — აზრისა კი თავის-დღეში
არა; მის აღმოშობის დრო
შეიძლება შეაყენონ, მაგრამ სრუ-
ლიად განადგურება კი ძნელად.
ამ აზრის უკვდავებაში არის მთე-
ლი იმედი კაცობრიობის უკვდა-
ვებისა. ტ. III, გვ. 58

ყოველგვარი სიყვარული, — დე-
და-შვილურია, თუ სხვა, — მაინც
ფრთხილია და მშიშარა.

ტ. II, გვ. 276

უ

შენ რომ ცუდკაცობდე, კაიკა-
ცობაზედ სხვას მაინც ნუ გალან-
ძლავ. ტ. II, გვ. 293

შუბი დიდია და მძლავრი,
სისხლმღვრელი, სისხლის მსმე-
ლია, წყნარი, პაწია ნემსი კი
შიშველ-ტიტველთა მცმელია.

ტ. I, გვ. 106

ჩ

ჩემი მსაჯული ჩემი ტვინია და
ის პატარა ღმერთი, რომელსაც
სინდისს ეძახიან.

მუზ. ი. ჭ. ფონდი

ჩვენ ვთაკილობთ და არა გვჭე-
რა, რომ ყველა გონიერი კაცი
იგივე წიგნია.

ტ. II, გვ. 291

ც

ცოდნა იმითაა კიდევ კარგი,
რომ იმან უფროს-უმცროსობა არ
იცის... ყველას ერთნაირად მო-
უხდება, ყველას ერთნაირად და-

ამშვენებს ხოლმე, ოღონდ კი კაცი
გულმონდომილი და მოწადინებუ-
ლი მივიდეს ცოდნის კარამდის.

ტ. V, გვ. 290

ცოდნა ხომ ხერხია, მაგრამ
თითონ, თავის-თავადაც სიმდიდ-
რე არის, მერე იმისთანა, რომ
კაცი საცა წავა, თან მისდევს
უხარჯოდ და უბარგოდ, ვერცა
ვინ მოჰპარავს, ვერცა ვინ წინ
გადუდგება. ეხლანდელ დროში
ცოდნა ყველაფერია: ფულზედაც
უფრო დიდი ბაზარი აქვს, ხმალ-
ზედაც უფრო მეტადა სჭრის და
ზარბაზანზედაც უფრო ძლიერია.

ტ. V, გვ. 289

ცოდნა უძლეველი ფარია არ-
სებობისათვის, ბასრი ხმალი მო-
გერიებისათვის.

ტ. V, გვ. 20

ცოდნა ანთებულს სანთელსა
ჰგავს: ერთს სანთელზედ რომ
ათასს სხვა სანთელს მოუკიდო,
სანთელს იმით არც ალი დააკლ-
დება, არც სინათლე, არც სიცხო-
ველე. პირიქით, იმატებს კიდევ.
რადგანაც ერთის მაგიერ ათასი
სხვა სანთელი იმასთან ერთად
დაიწყებს ლაპლავს. ტ. V, გვ. 290

ცხოვრება, როგორც ყოველი
მოზარდი არსება, იზრდება, ჰყვა-
ვის, მოაქვს ნაყოფი და მერე
ჰკნება; მის ნაყოფის თესლზედ
ამოდის სხვა, ახალი ცხოვრება,
რომელიც ისევ ისე მიდის თავის
განვითარების გზაზედ, როგორც
პირველი. ტ. III, გვ. 463

წინა — კაცსა უკან მომდევარი
იმისათვის უყურებს, რომ ვინი-
ცობაა, წინამ ფეხი წამოჰკრას,
და ყირაზე გადაიაროს, უკანამ
ნახოს და იმ გზას შორს მოუ-
აროს. ტ. III. გვ. 12

წარსული — მკვიდრი საძირკვე-
ლია აწმყოსი, როგორც აწმყო
მომავლისა. ტ. IV, გვ. 200

წუთისოფელი ზოგისთვის მა-
მა, ზოგისთვის — მამინაცვალი.
ტ. II, გვ. 323

ჭკუამ სთქვა: წუთის — სოფელ-
სა აღმართი მე ვახვნევიწე, თესლი

შოკრიბნე და ხნულში დავთე-
სე, დავაბნევიანე, უღონოს ღონე
მე მივეც, ხელი მე გავაქნევიანე.

ტ. I, გვ. 108

ჭეშმარიტ ღირსებას ყვირილი
არ უნდა.

ტ. VIII, გვ. 419

ჭირში გატეხა არ უნდა, თუ
კაცი გონიერია, წავა და ყველგან
დარჩება ქვეყანა ღონიერია.

ტ. I, გვ. 122

ხ

ხელი მიეც შენს მეზობელს,
შეერთდით, ერთად იმუშავეთ, თუ
ვინდათ ქვეყანაში რიგიანად იც-
ხოვროთ.

ტ. VII, გვ. 271

ხეს ვერ გაზრდი იმ დროზედ
აღრე, რაც ბუნებას დაუნიშნავს.

ტ. VII, გვ. 329

„ხე ცხოვრებისა—ამბობს ერთი
ჩვენის დროების ფილოსოფოსი—
და ხე ცნობადისა ერთს ძირზედ
ამოდინან, მხოლოდ იმათი აღყვა-
ვება სხვადასხვა დროს მოდის.
როცა ცხოვრების ხეზედ ყვავილი
ჰკნება, მაშინ ცნობადის ხეზედ
მწიფდება ნაყოფი, და ამ ნაყო-
ფის თესლი აღმოშობავს ხოლმე
ცხოვრების ხეზედ ახალ ყვავი-
ლებსა“.

ტ. III, გვ. 59

ხვალე არ უნდა ჰგავდეს დღე-
ვანდელს, თუ კაცს პროგრესი,
წინსვლა ადამიანისა ფუჭ სიტყ-
ვად არ მიაჩნია.

ტ. V, გვ. 187

ხვალე დღევანდელს უნდა
სჯობდეს, მერმისი აწინდელს. კა-
ნონი განვითარებისა და ბედნიე-

რების იმედისა იმაშია და სხვა
არაფერში. ტ. V, გვ. 137

ხმალი იმოღენს ვერას იქმს
მრისხანე და ძლიერო, რასაც
იქმს მშვიდობიანი კალმის პატა-
რა წვერიო. ტ. I, გვ. 106

ხმალი მაშინ უფრო კარგია,
როცა იგი ფარია და არა სატე-
ვარი. ტ. V, გვ. 123

სხვა და სხვა

მეფე ერეკლე მეორეს ჰხლებოდა ერთი ღარიბი მოხუცებული დედაკაცი და მოწყალება ეთხოვნა.

— სხვისა მამავ და ჩემო მამინაცვალო, ერთხელ ჩემკენაც მოიხედეო, — ეხუმრა დედაკაცსა.

— რა არის, ამოდენა ხანია სულ მოწყალებაზედ დადიხარო, — ებრძანებინა ხუმრობითვე მეფეს, — განა შვილები არა გყავსო?

— მაშ რის დედაკაცი ვიქნები, რომ შენთვის ყმა არ გამეზარდოს, შვიდი შვილი გაგიზარდეთ!

— არა გრცხვენიან, დედი, შვილის შვილის პატრონი და საგლახაკოდ დაიარებიო!?

— ვიშ, შენი კვნესამე! ნეტავი ერთი მყავდეს და შენისთანაო.

* * *

მეფე გიორგი მეცამეტეს ერთი კარისკაცი ჰყოლია. თუმცა ხნით მეფეზედ უფროსი ყოფილა, მაგრამ წვერ-ულვაშში ერთი ჭალარაც არა რევია თურმე. ერთხელ მეფეს იმისათვის ეპრძანებინა:

— ერთი მითხარ რისგან არის, რომ მე ამოდენა ჭალარა გამომერი, ლამის სულ გავთეთრდეო და შენ კი, ჩემზედ უფროსს, ეკრეთ შავად შეგაბერდა თმა და წვერ-ულვაშიო?

— წესიც ეგრეა, ბატონო! —
თქვენ ხელმწიფე ბრძანდებით.
პირნათლად უნდა სუფევდეთ, და
მე კი თქვენი ყმა ვარ, პირშავა-
დაც რომ ვიყო, არა მიშავს რაო.

* * *

ერთხელ მეფე ერეკლე მეორე
მიბრძანდებოდა თურმე ქალაქი-
დან კახეთს და თან, რასაკვირვე-
ლია, ამაღა ხლებია.

მზე დაწურვაზედ ყოფილა,
როცა მეფე მიბრძანებულა საგა-
რეჯოს ბოლოებზედ, დაუნახავს,
რომ ერთს ყანაში დიდძალი მუშა
დგას და მკის. იკითხა — ეს ამო-
დენა მუშა ვისიაო. მოახსენეს —
აქ საგარეჯოში ერთი შეძლებული
გლეხია და იმისი მამითადიაო.

— შაბაშ გლესსაო, — ბრძანა
თურმე და იმისი ვინაობა იკითხა.
მოახსენეს ვინც არის და თან
დაატანეს: ასეთი ხელმოჭერის
რამ კია, რომ პურს არავის აჭმევს.
თუ არას გამოჩნდა.

შეაყენა მეფემ ცხენი და უბრ-
ძანა: თუ აქ არის ის გლეხი, აქ
მომიყვანეთო. მოიყვანეს. მეფემ
უბრძანა: ვახშმად ჩემის ამალით
შენი სტუმარი ვარო.

— მობრძანდი, შენი ჭირიმე!—
უპასუხა გლეხმა: — მაპატიე კი,
აქ სამზადისი არა მაქვს, შინ მეწ-
ვიეო.

მეფემ ნება დართო. გლეხი
გადაჯდა ცხენზე და ჭენებით წინ
წავიდა. ვიდრე მეფე სოფელში
ამობრძანდებოდა, ჩამოლამდა კი-

დეც. გლეხი წინ მიეგება, მიიწვია მეფე მიწურის სახლის ბანზედ, რომელიც თავიდან ბოლომდე საფენით მოეფინა კიდეც.

ძალიან კარგად დაჰხვდა თურმე მეფესა და იმის ამაღასაც.

როცა მეფემ ვახშამი მიირთო, წასვლა დააპირა და ცხენები მოითხოვა. მოართვეს ცხენები. გლეხს მადლი უბრძანა და ზედ დაატანა:

— აკი, შვილო, შენ პურს არავის აჭმევ ისე, რომ არას გამოორჩეო?

— მაინც ევრეა, შენი ჭირი-მე! — უპასუხა თამამად გლეხმა, — მართალი მოუხსენებიათ.

— როგორ? აბა დღეს მე რას გამომრჩი?

— აი ბანზედ მიწა ახლად დაყრილია. ამის დატკეპნას კარგა მუშა მოუხდებოდა და მე მეტი გამორჩომა რად მინდა, რომ ჩემმა ბატონმა და ამოდენა დიდებულმა ხალხმა თავისის საკუთარის ფეხით დამიტკეპნესო.

მეფეს მოეწონა ეს მოსწრებუ-
ლი სიტყვა, გაეცინა და ხალათი
უბოძა.

* * *

მეფე გიორგი მეცამეტე ერთ დროს ყაზახ-ბორჩალოს მიბრძა-
ნებულა და სწვევია ერთ დარბაი-
სელს, საქართველოს ერთგულს
მოხუცებულს ალაღარსა. ჩამო-
ვარდნილა ლაპარაკი ცხენებზე და
მეფეს უკითხავს ალაღარისათვის:

— ყაზახ-ბორჩალოს ცხენი
უწინ განთქმული იყო მთელს
საქართველოში, ახლა კი იმისთანა
ცხენები აღარ გამოდიან. რა იქმ-
ნენ ის უწინდელი ცხენებიო?

— იმ ცხენებზედ ის უწინდე-
ლი ქართველები შესხდნენ და
წავიდნენო, — უპასუხა გულამო-
წდომით მოხუცებულმა ალაღარმა.

ერთს აქაურ ფრანგ ვაჭარს
ჰკითხეს:

— ნისია ბევრი გაქვს ქართვე-
ლებზედაო?

— ბევრიო,

— სომხებზე?

— არც იმათზე მაქვს ცოტაო.

ვინ უფრო მეტი სანდოაო?

— აბა როგორ გითხრათ: ქარ-
თველი, სწორედ რომ ვსთქვა,

უფრო ნამუსიანია და სომეხი კი
უფრო წესიერი.

— როგორ?

— ასე: სომეხს თუნდა ჰქონ-
დეს, სულ იმის ფიქრშია, როგორ
მოვახერხო რომ არ მივცეო, და
როცა მეტი გზა არ არის — იძ-
ლევა; და ქართველი კი სულ იმის
ფიქრშია, როგორ მოვახერხო რომ
მივცეო, და როცა აქვს — მოუცე-
მელს არ გაუშვებსო.

ი. ჭ. ტ. II, 575

სიტყვამ მოიტანა და ერთმა
პოსლიკა კაცმა ერთს საზოგადოე-
ბაში სთქვა: — დედაკაცს თმა
გრძელი აქვს და ჭკუა მოკლეო.

ერთმა იქ მყოფმა ქალმა უპა-
სუხა:

— თქვენ რომ თავზე არც
გრძელი თმა გაქვსთ და არც მო-
კლეო, თქვენი ჰკუა როგორღა
პოგიეითხოთო. ტ. II, გვ. 575

რედაქტორი გ. ნატროშვილი

ტექნორედაქტორი ავ. ლამბაშიძე
კორექტორი ავ. ლამბაშიძე

გადაეცა წარმოებას 18/XI-1962 წ.

ხელმოწერილია დახაბეჭდად
21/XI-1962 წ.

ანაწყოების ზომა 3×5, ქაღ.

ზომა 70×108/64, საავტორო

ფ. რაოდენობა №.

№ 09647, ტირ. 65.000, შეკ. 103ა.

ფასი 15 კპ.

„ლიტერატურული გაზეთის“ გამოცემა
თბილისი — 1962

ხაქ. ხსრ კულტურის სამინისტროს
მთავარპოლიგრაფგამომცემლობის სტამბა № 1,
თბილისი, ორჯონიკიძის ქ. № 50.

Типография № 1 Главполиграфиздата
Министерства культуры Грузинской ССР.
Тбилиси, ул. Орджоникидзе, № 50.

Илья Чавчавадзе

СХАРТУЛА

(На грузинском языке)

Составил Борис Ильич Кандаки